

REFERAT US - Utoqqaat siunnersuisoqatigiiffiat d. 19-03-2024

Mødedato Tirsdag d. 19. marts 2024 kl. 18:00

Mødested Kommunalbestyrelsesip ataatsimiittarfia

Indholdsfortegnelse

Imaqarniliaq.....	3
-------------------	---

Punkt .: Imaqarniliaq

Utoqqaat pillugit Siunnersuisoqatigiit ataatsimiinneranni imaqarniliaq

*Marlunngorneq ulloq marsip 19-ianni 2024, nal. 15:00.
Sumi: Meeqqat Ilaqutariinnullu Ingerlatsiviup ataatsimiittarfiani*

Ataatsimeeqataasut ukuupput:

Marianne Jensen, siulittaasq
Kirsten Holm, ilaasortaq
Jakob Thorsen, ilaasortaq
Daniel Blytmann, ilaasortaq
Birthe Nielsen, siulittaasup tullia
Kaj Kleist, sinniisoq
Peter Petersen, sinniisoq

Najuuttussaataasut:

Karen Lund Mølgaard, utoqqarnut suliassaqarfimmi fagcheffi
Naja Anelouise Heilmann, allatsi
Lulu Nielsen, Aaqqissuulluakkamik pilersaarusiornermut misissueqqissaarinnermullu
immikkoortortaqarfimmi konsulenti

Imarisai

1. Oqaluuserisassat akuerineqarnerat	3
2. Ilisimatitseqatigiinneq	3
2.1 Siulittaasumit.....	3
2.1.1 Tikilluaqqusineq	3
2.1.2. Utoqqaat peqatigiiffianni katerisimaarneq.....	3
2.1.3 Advisory Board qaaqqusinerat.....	3
2.1.4 Ataatsimiititaliap siulittaasuallu naapeqatigiinneq.....	3
2.1.5 Ataatsimiititaliap siulittaasuat attaveqarnissaa.....	3
2.1.6 Isumaginninnermut naalakkersuisoq	4
2.2 Ingerlatsivimmit.....	4
2.2.1 Nakorsaatit pillugit pikkorissaaneq (Medicin kursus)	4
2.3 Allanit	4
2.3.1 Ataatsimiinnermi ilaannaani peqataaneq	4
3. Utoqqaat namminerisaminnik illuutillit periarfissaat pillugit saqqummiineq	4
4. Utoqqarnut immikkoortumut pilersaarummut tusarniaanermut akissuteqarnissaq	4
5. Taasariaqartut allat	5



1. Oqaluuserisassat akuerineqarnerat

Oqaluuserisassat taamatut isikkoqartillugit akuerineqarput.

2. Ilisimatitseqatigiinneq

2.1 Siulittaasumit

2.1.1 Tikilluaqqusineq

Utoqqaat pillugit Siunnersuisoqatigiit siulittaasuata tikilluaqqusivoq. Ilaasortallu tamarmik naatsunnguamik ilisaritipput sinniisoq peqataasoq eqqarsaatiginerullugu.

2.1.2. Utoqqaat peqatigiiffianni katerisimaarneq

Utoqqaat pillugit Siunnersuisoqatigiit siulittaasuata ilisimatitsissutigaa, aggersarneqarsimalluni peqataaffigisimallugulu Utoqqaat peqatigiiffiat katerisimaartitsineranni marsip 11-anni 2024.

Katerisimaarnermi Utoqqaat pillugit Siunnersuisoqatigiinni siulittaasup siunnersuisoqatigiit suleriaasiat suullu sammeneqartarnersut ilisimatitsissutigivai.

Katerisimaarnermi isumaqatigiissutigineqarpoq sapinngisamik ukioq affakkaartumik naapeqatigiittarnissaq. Naapeqatigiinnermi ilisimatitsissutissaqarpat suleqatigiissutissaqarpalluunniit eqqartueqatigiissinnaasarniassammata.

2.1.3 Advisory Board qaaqqusinerat

Utoqqaat pillugit Siunnersuisoqatigiit siulittaasuata ilisimatitsissutigaa, aggersarneqarsimalluni peqataaffigisimallugulu Advisory Board naapeqatigiitsineranni marsip 14-anni 2024. Qaaqqusinerannut tunngaviuvoq Nuuk nunatsinni illoqarfik pingaarnersaattut ukiuni tulliuttuni ineriartornissaanut tunngasumik ataatsimiititaliorusunnerannut.

Utoqqaat pillugit Siunnersuisoqatigiit siulittaasuata ataatsimiititaliamut peqataarusulluni nalunaarsimanini ilisimatitsissutigaa. Ataatsimiititaliami peqataasartussaassaaq kajumissutsiminik, aningaasarsiutaanngitsumik.

2.1.4 Ataatsimiititaliap siulittaasuallu naapeqatigiinneq

Utoqqaat pillugit Siunnersuisoqatigiit siulittaasuata ilisimatitsissutigaa, Suliffeqarnermut Isumaginninnermullu Ataatsimiititaliami siulittaasoq apriliip 12-anni naapeqatigeqqilaassallugu. Naapeqatigiittarnissaq isumaqatigiissutigineqarnikuuvoq sapinngisamik qaammatit pingasukkaartumik pisassasoq.

2.1.5 Ataatsimiititaliap siulittaasuata attaveqarnissaa

Utoqqaat pillugit Siunnersuisoqatigiit siulittaasuata ilisimatitsissutigaa, Kommunaldirektørimut apuussimallugu siunnersuisoqatigiit aalajangigaattut borgmesterimik oqaloqateqarusulluni. Kommunaldirektøri neriorsuivoq ulluni qaninnerni Utoqqaat pillugit Siunnersuisoqatigiit siulittaasuata attaveqarfigiumaarlugu.

2.1.6 Isumaginninnermut naalakkersuisoq

Utoqqaat pillugit Siunnersuisoqatigiit siulittaasuata ilisimatitsissutigaa, Isumaginninnermut naalakkersuisoq allaffigeqqissimallugu qaqugu ataatsimeeqatigiinnissap pisinnaanera pillugu.

2.2 Ingerlatsivimmit

2.2.1 Nakorsaatit pillugit pikkorissaaneq (Medicin kursus)

Utoqqarnut tunngasunik suliaasaqarfimmi fagcheffi ilisimatitsissutigaa, una sapaatip akunnera utoqqaat nakorsaatinik atuinerat pillugu aammalu utoqqarnut sullissinnernut assigiinngitsunik tunngasunik sulisunik pikkorissaasoqartoq.

2.3 Allanit

2.3.1 Ataatsimiinnermi ilaannaani peqataaneg

Utoqqaat pillugit Siunnersuisoqatigiinni ilaasortaq, Jakob Thorsen nalunaarutigaa ataatsimiinnermi nalunaaqutaq 16:00 tungaannaanut peqataasinnaanini allamik pisassaqaarnini peqqutigalugu.

3. Utoqqaat namminerisaminnik illuutillit periarfissaat pillugit saqqummiineq

Kommuneqarfik Sermersuumi, naatsorsueqqissaarnermi immikkoortotami sulisup, Lulu Nielsenip Utoqqaat pillugit Siunnersuisoqatigiit ataatsimiinneranni saqqummiiffigai, utoqqalinersiuteqalereernikut namminerisamik illuutillit periarfissaat pillugit.

Lulu Nielsen ilisimatitsivoq paasititsiniaanerit illuuteqartunut ingerlanneqarumaartut, qinnuteqarnissamut tapiiffigineqarnissamut periarfissanut aammalu suut piunasaqaataaneritut tunngasunik.

4. Utoqqarnut immikkoortumut pilersaarummut tusarniaanermut akissuteqarnissaq

Utoqqaat pillugit Siunnersuisoqatigiit ataatsimiinnermi utoqqarnut immikkoortumut pilersaarummut tusarniaanermut akissuteqaatigisinnaasaminnik eqqartueqatigiipput.

Utoqqaat pillugit Siunnersuisoqatigiit isumaqatigiipput Utoqqaat pillugit Siunnersuisoqatigiit siulittaasuata tusarniaanermut akissuteqaatit ataatsimut allattoriarlugit ingerlateqqikkumaarlugit.

Utoqqaat pillugit Siunnersuisoqatigiinni ilaasortap Jakob Thorsen ataatsimiinnermi utoqqarnut immikkoortumut pilersaarummut tunngatillugu oqaatigisani allattoqqissaariarlugit nassiunniallugit oqaatigaa.

Siulittaasup aamma ilaasortat allat qinnuigai oqaatigisatik nassiutilaaqqullugit, ataatsimut katiterinnermini minitaaqannginniassagami.

5. Taasariaqartut allat

Utoqqaat pillugit Siunnersuisoqatigiinni ilaasortap Kirsten Holm oqaatigaa ataatsimiinnerup tulliani oqaluuserisassanut qulequttatut ilanngukkusullugu, Utoqqaat illuini sulisut taarseraanneri. Ilaasortap Kirsten Holm kissaatigaa, qulequtaq pineqartumut Utoqqaat pillugit Siunnersuisoqatigiit isummersorfigissagaat. Saniatigullu kissaatigalugu Utoqqaat susassaqarfianiit ilisimatitsisoqassasoq suliniuteqartoqarnerasoq pitsanngorsaatisanik. Kirsten Holm allaaserisaa Utoqqaat pillugit Siunnersuisoqatigiit allatsiannut nassiunneqarumaarpoq.

